


鴻告志

第

號

鴻告志全



冊數

著者

吉田松陰先生

出所
刊行
年月
明治二己巳年
初春



□ 9
4088

松蔭吉田先生輯

鴻鵠志

長門

松下邨塾藏版



3804

門 口 9
號 4088
卷

鴻鵠志題言

予辛亥歲始遊江戶。乃有猛省錄。尔後擴摘稍積。甲寅就縛。為官吏所收入獄。又頗續而錄之。及其脫免。不得隨諸身。安政丙辰四月。在家囚屋。又有此輯。名為燕雀安知。用其首語耳。非有義例也。友人松如為改鴻鵠志云。二十一回猛士。



鴻鵠志卷之二十一 田獵士

(Faint bleed-through text from the reverse side of the page)

鴻鵠志

二十一 田獵士輯

燕雀安知鴻鵠之志哉。

陳涉○丙辰四月二日

壯士不死則已。死即舉大名耳。王侯將相寧有種乎。

陳勝

書足記姓名而已。劍一人敵。不足學。學萬人敵耳。項藉

先發制人。後發制於人。同上

富貴不歸故鄉。如衣錦夜行。同上

事成歸王。事敗獨身坐耳。貫高

天下昏亂。忠臣乃見。周市。老子道德經。國家昏亂

人世一生間。如白駒過隙。魏豹。呂后亦曰。人生一世間。如白駒之過隙。見于

張良傳。

蝮蠱手則斬手。蠱足則斬足。田市

專死不勇。專生不任。高祖

大丈夫不能自食。吾哀王孫而進食。豈望報乎。漂母

吾亦欲東耳。安能鬱鬱久居此乎。高祖

察見淵中魚不祥。吳使者

願長耳目。毋後人有天下。楚王延壽

王漢中。養其民。以致賢人。收用巴蜀。還定三秦。天下

可圖也。蕭何

廼公居馬上得之。安事詩書。高祖

馬上得之。寧可以馬上治乎。陸賈

天下安注意相。天下危注意將。將相和。則士豫附。士

豫附。天下雖有變。則權不分。同上

臣衣帛。衣帛見。衣褐。衣褐見。不敢易衣。婁敬

壯士不坐死。欲為人所不能為耳。江都王建

顧方略何如耳。不至學古兵法。霍去病

匈奴不滅。無以家為也。同上

金虜未滅。何以家為。宋岳飛

臨淵羨魚。不如退而結網。古人言。董仲舒對策。亦引

衆少成多。積小致鉅。董仲舒

盡小者大。慎微者著。同上

世必有非常之人。然後有非常之事。有非常之事。然

後有非常之功。非常者。固常人之所異也。司馬相

邑人貧者貸之。不善者教之。卜式

天子誅匈奴。愚以為賢者宜死節。有財者宜輸之。如

此而匈奴可滅也。同上

夫人臣出萬死。不顧一生之計。赴公家之難。斯已奇

矣。司馬遷

士者國之重器。得士則重。失士則輕。梅福

百聞不如一見。兵難隄度。趙充國

記人之功。忘人之過。宜為君者也。逸書語。谷永引

劍者。君子武備。所以衛身。不可解。雋不疑

為治者。不在多言。顧力行何如耳。申公

凡通經術。固當脩行先王之道。何可委曲從俗。苟求

富貴乎。嚴彭祖

法之不行。自上犯之。衛鞅

無其實。敢處其名乎。趙武靈王

仲尼抗浮雲之志。孟軻養浩然之氣。班固

不壹勞者不久佚。不暫費不永寧。揚雄

水流心不競。雲在意俱遲。杜甫詩

君子交絕。不出惡聲。忠臣去國。不潔其名。樂毅

將軍有死之心。士卒無生之氣。魯仲連

死者復生。生者不愧。吾欲全吾言。安得全吾身乎。肥義

毋變而度。毋易而慮。堅守一心。以歿而世。趙主父命肥義

人才以用。而見其能否。安坐而能者。不足恃也。兵食

以用。而見其盈虛。安坐而盈者。不足恃也。陳亮

莫憑無鬼論。終負托孤心。出隨園詩話

大衆一散。難可復合。時不可留。衆不可逆。耿純

安靜之吏。悃悃無華。日計不足。月計有餘。章帝詔

夫賢者之處世也。譬若錐之處囊中。其末立見。平原君

仁人用十里之國。則將有百里之聽。用百里之國。則

將有千里之聽。用千里之國。則將有四海之聽。荀况

將死鼓御死轡。百吏死職。上大夫死行列。全上

與人刃我寧我自刃。燕將

人皆作之。作之不止。乃成君子。作之不變。習與體成。

則自然也。孔斌子順。

男兒當死中求生。可坐究乎。財物易聚耳。不宜有愛。

延岑答公孫述。

有生者不諱死。有國者不諱亡。諱死者不可以得生。

諱亡者不可以得存。茅焦。

大才當晚成。良工不示人以朴。馬況謂弟援。

允殖貨財產。貴其能施賑也。否則守錢虜耳。馬援。

丈夫為志。窮當益堅。老當益壯。同上。

男兒要當死於邊野。以馬革裹屍還葬耳。何能卧牀。

上。在兒女子手中邪。同上。

求忠臣。必於孝子之門。韋彪。

大丈夫當雄飛。安能雌伏。趙溫。

夫天命難知。人道易守。守道之臣。何患死也。馮衍。

行勁直以離尤兮。羗前人之所有。內自省而不慙兮。

遂定志而弗改。馮衍賦。

嗟乎。使平得宰天下。亦如是肉矣。陳平

道本無究。學貴得心。清湯斌

人之進。未始不為退。我之退。未始不為進。韓愈

吾豈可鄉利而倍義乎。韓信

夫功者。難成而易敗。時者。難得而易失也。時乎時。不

再來。蒯徹

士苟登仕籍。當為一二節。卓卓可佞誦事。若使終身

靡然從諸俗吏後。雖榮達何足言。清管同

行必久而后信。女子固然。非耄期不亂者。曷以為士

乎哉。清姚鼐

建大事者。不忌小怨。光武○言則是。事則非。斷章取義可也。

舍近謀遠者。勞而無功。舍遠謀近者。逸而有終。同上

有志者。事竟成也。同上

善言古者。合於今。善言天者。合於人。郎顛○武帝詔曰。善言天者。必

有徵於人。善言古者。必有驗於今。

浮圖不三宿桑下。不欲久生恩愛。精之至也。襄楷

光武皇帝東西誅戰。不遑啓處。然猶投戈講藝。息馬

論道。樊準

伯通與吏人語。何以為顏。行步拜起。何以為容。坐卧念之。何以為心。引鏡窺影。何施眉目。舉措建功。何

以為人。朱浮與彭寵書。寵字伯通。

往時遼東有豕。生子白頭。異而獻之。行至河東。見群

豕皆白。懷慙而還。同上

士究相歸。要當以死任之。馮勣

大丈夫居世。生當封侯。死當廟食。如其不然。閑居可

以養志。詩書足以自娛。州郡之職。徒勞人耳。梁竦

頭譽成於僚友。德行立於己志。鄭玄

犯禁觸罪。不如守正而死。鄭衆

主不替古。無以兼天。臣不述舊。無以奉君。范升

愚聞一卒畢力。百人不當。萬夫致死。可以橫行。宗今

擁兵數千。以兼大威。何遽其必敗乎。張宗

患水菽之乏。干祿以求養者。是以耻祿親也。存誠以

盡行。孝積而祿厚者。此能以義養親也。范曄○注華嶠之詞

夫含氣之倫。有生必終。蓋天地之常期。自然之至數。

是以通人達士。鑒茲性命。以存亡為晦明。死生為

朝夕。故其生也不為娛。亡也不為戚。夫亡者元氣

去體貞魂游散。反素復始。歸於無端。既已消仆。還合糞土。土為棄物。豈有性情。而欲制其厚法。調其燥濕邪。但以生者之情。不忍見形之毀。乃有掩骼埋窆之制。趙咨

為善最樂。東平王蒼

其物存。其人亡。不言哀。而哀自至矣。章帝

大丈夫無它志略。猶當效傅介子張騫。立功異域。以

取封侯。安能久事筆研間哉。班超

高祖佐命。出自亡秦。光武得士。亦資暴莽。王符潛夫論

有雄志而無雄才。好士而不能擇人。所以為君深戒

也。仲長參謂徐幹

物有不求。未有無物之歲也。士有不用。未有少士之

世也。長沙昌言

天知神知。我知子知。何謂無知。揚震

山澤不必有異士。異士不必在山澤。王謚

志不求易。事不避難。臣之職也。不遇槃根錯節。何以

別利器乎。虞翻

遇不遇命也。有功不論時也。傳燮豈求私賞哉。燮拒趙忠

弟延語

失火之家。豈暇先言丈人而后救火乎。齊王襄將軍魏勃

所言公。公言之。所言私。王者無私。宋昌

學不為人。仕不擇官。吉凶由己。而由卜乎。孔僖

有留死一尺。無北行一寸。刎頭不易。九裂不恨。揚倫

農夫不怠。越有黍稷。誰能云成。考之屋息。二事敗業。

多疾我力。如彼遵衢。則罔所極。二志靡成。幸勞我

心。如彼兼聽。則溷於音。傅毅廸志詩

將受命之日。忘其家。援枹鼓。即忘其身。司馬穰苴

原其無用。亦所以為用。則其有用。或歸於無用矣。范曄

方術佞論

大丈夫處世。當掃除天下。安事一室乎。陳蕃

自生民已來。善政少。而亂俗多。必待堯舜之君。此為

志士終無時矣。李固

人有短。所以見長。劉玄平

一日縱敵。數世之患也。先軫

士朝而受業。晝而講貫。夕而習復。夜而計過。無憾而

後即安。公父文伯母

天道玄遠。須修德以應之。晉張華

若德義不脩。雖獲麟鳳。終是無補。但政事無闕。雖有

災。何捐於時。虞世南

美。疾不如惡石。夫石猶生我。疾之美。其毒滋多。臧孫

郟婁無松柏。子大叔

得時無怠。時不再來。范蠡

君憂臣勞。君辱臣死。同上

若與俗處。猶走逃雨也。無走而不濡。文子

與善人遊。如行霧中。雖不濡濕。潛自有潤。抱朴子

若謂古人淳樸。漸致澆訛。則至于今日。當悉化為鬼

魅矣。魏徵○丁巳正月元日

或問賢曰。為人所不能。揚子重黎

錢用盡更來。機事一失。不可復追。李絳

孝子之身終。終身也。終身也者。非終父母之身。終其

身也。王制

吳公子札謂叔孫穆子曰。子其不得死乎。好善而不

能擇人。吾聞君子務在擇人。吾子為魯宗卿。而任

其大政。不慎舉。何以堪之。禍必及子。左襄二十九年

為人臣下者。有諫而有訕。有凶而有疾。頌而無諂。諫而無驕。少儀

言性命者得其本。其失也過高。道政事者得其用。其

失也過雜。文辭之習。華而鮮實。制度之辨。勞而少

功。方孝儒

始吾心已許之。豈以死背吾心哉。吳季札

君子如欲化民成俗。其必由學乎。學記

尹洙自謂平生好善之心。過於嫉惡。

聖人不貴無過。而貴改過。無懷昔悔。第勉事業。胡瑗

大抵慮事深遠。則近於迂矣。呂晦叔

不善加已。直為受之。呂公著字晦叔

大忠大佞。固不可移。中人之性。繫上所化。傅堯俞

人若避好名之嫌。則無為善之路矣。范純仁

有愧而生者。不若無媿而死。同上

隨時所以救時。不必取快目前也。陳瓘

人如居逆旅。一物不可乏。去則盡棄之矣。豈得齎以

自隨哉。劉忠

天下事可學者甚多。何獨夫文。譙周語徐積引之

兵者實大賢盛德之事。非小才小智所能用。亦不獨用之難也。言之亦難。若其所養不至。而易言之。鮮不敗事。徐積

生有七尺之形。死唯一棺之土。唯立德揚名。可以不朽。其次莫如著篇籍。魏文帝

大慧所謂。逆我意者。只消一箇忍字。定省。少時便過了。芳洲口授。五月念八

吾常身不離鞍。髀肉皆消。今不復騎。髀裡肉生。日月若馳。老將至矣。而功業不建。是以悲耳。劉備

今天下分裂。日尋干戈。事會之來。豈有終極乎。若能應之於後者。則此未足為恨也。同上

夫濟大事。必以人為本。今人歸吾。吾何忍棄去。同上

儒生俗士。豈識敗務。識時務者。在乎俊傑。司馬德操對劉備

鞠究盡力。死而後已。至於成敗利鈍。非臣之明所能逆觀也。諸葛亮

松栢以後凋。見稱。猶變色於歲寒。吾儕勁幹。固應出其上。楊叔山

金石有時乎碎。未如君子之操之久而不渝。朱晦菴

吾極知曹公之待我厚。然吾受劉將軍厚恩。誓以共死。不可背之。吾終不留。吾要當立效以報曹公。乃去。關羽對張遼。六月朔。

卿等無狀。侵奪我州。我州但有斷頭將軍。無有降將軍也。巴郡太守嚴顏。

斫頭便斫頭。何為怒邪。同上。

霍去病以匈奴未滅。無用家為。今國賊非但匈奴。未可求安也。須天下都定。各反桑梓。歸耕本土。乃其宜耳。趙雲字子龍。

子龍一身都是膽也。先主。

大丈夫處世。當交游四海英雄。如何與兵子共語乎。

劉巴。

若曹操舉天下而來。請為大王拒之。偏將十萬之衆至。請為大王吞之。魏延。

小人頭可得。城不可得。霍峻。

貧非人患。惟和為貴。向朗。

當行人所不能為。馮異等勸光武。譙周上疏。

神明內用者。其致上也深。魏叔子。

存以禍福皆已而已。家語

君子少思其長則務學。老思其死則務教。有思其究則務施。

不有得於今。必有合於古。不近而榮顯於一時。必遠

而留傳於後世。清汪琬稿。○安政戊午十二月二十七日。

儒者以品行為上。辭章次之。以學問為先。仕官又次

之。汪琬稿。仲文濤。○己未正月二日。

人輸腹心於我而我負之。謂鬼神何。全金觀濤

世情嶮巇。取友實難。見交不如心交。以酒食結人。不

如以道義結人。全王母徐夫人

親名師。謹交游。敦天倫。飭行檢。戒情媮。節嗜欲。勿絕

書種。勿墜先人遺緒。全楊母吳太孺人

生而自述之耻也。死而人諛之亦耻也。行不孚於人。

可畏也。言不足以示後昆。尤可畏也。全楊某

成遠算者。不恤近怨。任大事者。不顧細謹。擬明史湯和。○四日

聞過而喜。似季路。欲寡未能。似蘧伯玉。則改齊其人

也。全王思。○高陵呂枏改齋思別號。○七日

達則一二言非不足。未達則千百言非有餘。全蘓伯衡。○九日

狂直之性。生于天而不可變。忠義之心。痒于中而不可忍。明揚繼盛○十日

夫人之一身。於親則謂之子。於君則謂之臣。均之無所逃焉者也。然方其事君也。鮮有不念其親。及其事親也。又鮮有不念其君者。是忠於君而孝衰。孝於親而忠廢。又焉得謂之忠與孝乎。同上

我十二三時。為凶賴賊。逢人則殺。十四五為難當賊。有不快意則殺之。十八為佳賊。臨陣乃殺人。二十為大將。用兵以救人。唐李勣○十二日

宋璟謂張說曰。名義至重。鬼神難欺。不可党邪陷正。以求苟免。若獲罪流竄。其榮多矣。若事有不測。環當叩閣力爭。與子同死。努力為之。万代瞻仰。在此舉也。

荀慈苟誤

劉知幾曰。無汗青史。為子孫累。

荀効用之得所。雖殺身而何忌。張九齡白羽扇賦

若直道尚存。王公王思嗣必不冤死。如其將喪。多賂何

為。哥舒幹

吾曹荷國重任。雖知力不敵。必死之。李愬謂盧奕

允為人當知順逆。我死不失節。夫復何恨。盧奕

直或先事之幾露。譎或自全之計長。以冀其濟乎。袁

允

頭可斷。舌不可禁。柳渾

寧可失言。不可失人。失言猶可。失人豈可乎哉。李卓吾

寧人負我。無我負人。陸贄

人 恐下誤

吾上不負天子。人不負所學。他無所恤。全上

朱仲晦之言曰。隱者多是帶性負氣之人。李卓吾

學問須時々拈掇。乃時々受用。縱無人講。亦須至尋

人講。蓋日講則日新。非為人也。乃專々為己也。全

與其不得朋友而死。則牢獄之死。戰場之死。固甘如

餒也。全

寧處憂。而不肯處樂。全

佛高一尺。魔高一丈。昔人此言。只要人知有佛。即有

魔。如形之有影。聲之於響。必然不相離者。知其必然。

使不因而生恐怖心。生退悔心矣。梅衡湘

士之致遠者。當先器識。而後文藝。裴行儉

苟無愧心。得表一致。修身慎行。安可以私書相証耶。

夫世間功名富貴最易埋沒人。余老矣。死在旦夕。猶不免近名之累。況當熱鬧之場。擦粉塗額。以悅于人。甯究心生死。視人世繁華。極樂為極苦。不容加乎其身。李卓吾○廿四日

楞嚴唐言。究竟堅固也。究竟堅固者。是何物。此身非究竟不壞也。敗則歸土矣。此心非究竟不壞也。散則如風矣。聲名非究竟不壞也。天地數終。乾坤易位。古聖賢載籍無存矣。名於何有。聲於何寄乎。

自以為是。故不可與入堯舜之道。不自以為是。亦不可與入堯舜之道。全

李長者。性方行獨。身世孤單。生平不愛見俗人。聞俗語。以故身世益孤。唯愛讀書。讀書每見古忠臣烈士。輒自感慨流涕。故亦時々喜聞人世忠義事。周友山

蓋天地間。只有此一副真骨。臥耳。不問在世出世。但全有此百事。無不成辦也。

唯義不朽。天地同久。李卓吾

寶石不吸腐艸。磁石不引曲鍼。全

廿五日

廿五日三
字當細書
於前性之
下

或曰。先生之愛才。誠然矣。其始也。取人太廣。愛人太驟。其既也。弃人太急。而終之。收錄人也。亦太狹。曷不論定而后賞。勿以始廣而終狹乎。吁。不然也。夫人實難知。故吾不敢以疑似而遂忽之。是故則見以為廣。而真才難得。故吾又不敢以疑似而遂信之。是故則見以為狹耳。李卓吾

此件一字
可下

有字一恐
衍

世固有有激而為者。不必問其為之果當也。有激而

言者。不必問其能踐言與否也。哀其志可也。其心可也。留之以為天下後世之亂臣賊子。慎可也。何必說盡道理。以是養亂賊之心乎。李卓吾○二
十七日

定天下者。非百戰。何由得之。安可但深居。惟房以自肥乎。李存勗○二月

人知病之苦。不知樂之苦。樂者。苦之因。樂極則苦生矣。人知病之苦。不知病之樂。苦者。樂之因。苦極則樂至矣。苦樂相乘。是輪迴種。困苦得樂。是因緣法。李卓吾所貴於有子者。謂其臨老得力耳。蓋人既老。便自有

許多疾病。苟有子。則老來得力。病困時得力。臥床
難移動時得力。奉侍湯藥時得力。丘內分割痛苦
難忍時得力。臨終嗚咽。分付訣別。色氣垂絕時得
力。若此時不得力。則與無子等矣。又何在於奔喪
守禮。以為他人之觀乎。全上

吾身之所履者。則不貪財也。不好色也。不屈權勢也。
不患失得也。不遺居積於後人也。不求風水以圖
福蔭也。同上

成大功者。必不顧後患。故功無不成。商君之於秦。吳

起之於楚是矣。全上

其坐如山。其行如蟻。其立如柱。其止如釘。全

飯恐飯誤

有飯吃飯。無飯吃粥。有銀則糴。無銀則化。化不出米。

則化出飯。化不出飯。則化出粥。化不出粥。則化出

菜。化不出菜。則端坐而餓死。此釋迦律儀也。同

大官不言。故小官言之。官有大小。愛君之心一也。宋

輔。○三月三日以後所抄

屈志買和。莫大之辱。歐陽脩

吾知盡事君之道。不可則全進退之節。禍患非所恤

也。李綱

吾陳東也。畏死即不敢言。已言肯逃死乎。陳東

康侯如大冬嚴雪。百草痿死。而松柏挺然獨秀者也。

謝良佐○康侯。胡安國字。

今日之禍。實由公鄉大夫。無氣節忠義。不能維持天

下國家。平時既無忠言直道。緩急詎肯伏節死義。

陳公輔

文臣不愛錢。武臣不惜死。天下太平。岳飛

白首何歸。恨餘生之無幾。丹心未泯。誓九死以不移。

趙鼎

詩云。毋用婦人言。今舉朝之士。皆婦人也。胡銓

若平時不能犯顏敢諫。他日何望其伏節死義。張栻

因世變有所摧折。失其素履者。固不足言。因世變而

意氣有所加者。亦私心也。呂祖儉

凡人不必待仕宦。有位有職事。方為功業。但隨力到

處。有以及物。即功業也。李燔

生無以報國。死願為猛將以滅敵。丘密

未死一日。當立一日紀綱。趙方

上變下悲
脫而字

催科不擾。是催科中撫字。刑罰不差。是刑罰中教化。
同上

晝觀諸妻子。夜卜諸夢寐。兩者無愧。始可以言學。沈煥

敬林疎席。總是佳趣。拂風沐雨。反為美境。舒璘

宇宙內事。乃已分內外。已分內事。乃宇宙內事。陸九淵

天生人才。自足以供一代之用。惟弁其君子小人而

已。忠實而有才者。上也。才不高而忠實有守者。次

也。崔與之

好名。孟子所不取。然求士於三代之上。惟恐其好名。

求士於三代之下。惟恐其不好名耳。陳垣

正論乃國家元氣。今正論猶在學校。要當保養一綫

之脉。徐元杰

綱常不可一日亾於天下。苟在上者。無以任之。則在

下之任也。元許衡

廉耻事大。死生事小。宋葉夢鼎

生為宋臣。死當為宋鬼。范天順

國不可背。城不可降。夫婦同死。節義成双。趙昂發

大勢不可為。余雖不在位。當與為存亾。江萬里

赴下恐脫
關字

國家養劫臣庶三百餘年。一旦有急。徵天下兵。無一人一騎赴者。吾深恨之。故不自量。欲以身殉。腹天下忠臣義士。將有聞風而起者。義勝者謀立。人眾者力濟。如此則社稷猶可保也。文天祥

樂人之樂者。憂人之憂。食人之食者。死人之事。同必有真實心地。刻苦工夫。而后可。黃幹

侍郎國家大臣。立一小卒耳。但三世食趙氏祿。趙氏何以生為。米立對黃万石

平時能忤權奸。則臨變能當國難。士君子之大致也。

丁南湖

度宗皇帝一子尚在。將焉置之。古人有以一旅一成中興者。今百官有司皆具。士卒數萬。天若未欲絕宋。此其不可為國耶。陸秀夫

人生自古誰無死。留取丹心照汗青。文天祥

五帝三王自立之中國。乃滅於諸儒道學太明之晚。此宇宙間大變也。謝枋得

天道難知。人道易守。守道而已。何患死也。馮衍

貧賤之交。不可忘。糟糠之妻。不下堂。朱弘

終漢之衰學校脩設儒士半天下獨以清議扶持王室奸夫大盜環視九鼎而不敢動朱沛國論

不有忠言奇謀而取大位何其往來屑屑不憚煩也

王良友人

丈夫斷之於心久矣何妻子之為李業

吾受國厚恩年迫日索常恐不得死國事今獲所願

甘心瞑目馬援

賢者固不可測往日之喜乃為親屈也張奉嘆毛

死者士之常分吾蒙恩居上司疾奸臣狡猾而不能

誅惡孽女傾亂而不能禁何面目復見日月楊震

農夫去草嘉穀必茂忠臣除奸王道以清若臣言有

貳甘受顯戮范滂

臯陶古之直臣知滂無罪將理之于帝如其有罪祭

之何益

范滂曰獄吏謂曰九坐繫者祭臯陶

誰謂荼苦其甘如飴昔人刎頸九死不恨史弼

事不辭難罪不逃刑臣之節也吾年六十死生有命

去將安之李膺

聖達節次守節吾遭世亂不能養浩然之志食人之

祿。又欲避其難乎。傳燮

聲教瘞於上。而風俗清於下。後漢書

孔璋足下。徼利於境外。臧洪投命於君親。子謂余身

死名滅。僕亦笑子生而無聞焉。臧洪

仁義豈有常。踏之則君子。背之則小人。今日寧與臧

洪同日而死。不與將軍同日而生也。陳容

教化國家之急務也。而俗吏慢之。風俗天下之大

事也。而庸君忽之。司馬公論

後漢名節。成於風俗。程明道論

孤與子瑜。

諸葛瑾

有死生不易之誓。子瑜之不負孤。猶

孤之不負子瑜也。孫權玄德昔遣孔明至吳。孤嘗

語子瑜曰。卿與孔明同產。何不留之。子瑜言。亮已

委質於人。義無二心。弟之不留。猶瑾之不往也。其

言足貫神明。今豈當有此乎。孤與子瑜。可謂神交。

非外言所能間也。同

盛等不能為國家。并許洛。吞巴蜀。而令吾君與貞盟。

不亦辱乎。徐盛夫有志於上。猶止於中。有志於中。

所成斯下。心并許洛。謀取巴蜀。乃所以能保江東。

也。胡致堂論

運移漢祚難恢復。志決身殲軍務勞。杜甫詩

以是非論。則孔明千載之豪傑。以成敗論。則仲達一

世之英雄。丁南湖論

功以才成業。以才廣。若防其後患。舍而不用。是猶備

風濤。而逆廢舟楫。非長計也。費禕

夫物速成則疾亡。晚就則善終。朝華之草。夕而零落。

松栢之茂。隆寒不衰。王粲

吾聞仁者不以盛衰改節。義者不以存亡易心。曹氏

前盛時。尚欲保終。況今衰亡。何忍棄之。此禽獸之

行。吾豈為乎。曹文叔妻

父子荷國重恩。不早斬黃皓。使敗國殄民。用生何為。

諸葛瞻
子尚

若理窮力屈。裊敗將及。便當父子君臣。背城一戰。同

死社稷。以見先帝可也。奈何降乎。北地王諶

自有宇宙。便有此山。由來賢哲。登此者多矣。皆湮無

聞。羊祜登峴山謂從事鄒湛曰云々

仲思諸葛
靚字今日是我死日也。且我為兒童時。便為卿

家丞相。瑾

所識拔。常恐不得其死。負名賢知顧。今以身徇社稷。復何遁耶。張悌

孫皓無道。吳國之士。沈默其体。潛而勿用者。第一也。避尊居卑。祿以代耕者。第二也。侃然体國。執政不懼者。第三也。斟酌時宜。時獻微益者。第四也。温恭脩慎。不為諂首者。第五也。過此往。不足復數。觀瑩之處。身本末。其四五之間乎。陸喜論薛堂
是非久自見。不可掩也。賈充從子模

此下恐脫以字

忠孝之道。安得兩全。既辭親事君。父母安得而子乎

周處

此吾效節授命之日。何退之為。且古者。良將受命。凶門以出。蓋有進無退也。諸君負信。勢必不振。我為大臣。以身殉國。不亦可乎。同

知己之惠。輕君臣之義重。沈不可違。天子之詔。量疆弱以苟全。投袂之日。期之必死。殖醢之戮。其甘如

薺。劉沈謂何間王顯

匹夫之交。尚不負心。況大丈夫乎。劉弘謂陶侃

當共戮力王室。克復神州。何至作楚囚對泣邪。王導

事君當務幾諫。凡人尚不可面斥其過。况萬乘乎。夫

幾諫之功。無異犯顏。但不彰君之過。所以為優耳。

劉殷

人有不及。可以情恕。非意相干。可以理遣。衛玠

祖逖不能清中原而復濟者。有如大江。祖逖

吾之志。欲死忠義。豈可貪生苟免。為奔敗之將乎。事

之不濟。令百姓知吾心耳。司馬巫

丈夫當死生以之。郝鑒

大禹聖人。乃惜寸陰。至於衆人。當惜分陰。豈可逸遊

荒醉。生無益於時。死無聞於後。是自棄也。陶侃

擣蒲者。牧豬奴戲耳。老莊浮華。非先王之法言。不益

實用。君子當正其威儀。何有蓬頭跣足。自謂宏達

邪。同上

見無禮於其君者。若鷹鷂之逐鳥雀。今社稷危逼。義

無宴安。桓彝

父為忠臣。子為孝子。夫何恨乎。卞壺戰死。二子吟所隨死。其母撫尸哭曰

云云

今日當以滅賊為急。未有功而先拜官。何以示天下
温嶠

吾受國厚恩。義在致死。焉能忍耻。與逆臣通問。如其

不濟。此則命也。桓粹

吾受桓侯厚恩。當以死報。吾之不可負桓侯。猶桓侯

之不負國也。俞縱

師克在和。古之善教也。嶠等與公俱受國恩。事若濟

則臣主全祚。如不捷。當灰身以謝先帝。今事勢又

無旋踵。譬如騎虎。安可中下哉。公若獨返。沮眾敗

事。義旗將回。指於公矣。温嶠留陶侃怒欲西歸

大丈夫行事。宜礪磊落落。如日月皎然。石勒

人非堯舜。何得每事盡善。王述

年在天。位在人。脩己而天不與者。命也。守道而人不

知者。性也。自有性命。無勞筮龜。顏會

玄象豈吾所測。正當勤盡人事耳。庾冰

良臣如猛虎。高步曠野。而豺狼避路。石虎以李巨為御史中丞。中外

肅然。虎有此言。

四象板蕩。奄踰三紀。宗社為墟。生民塗炭。斯乃廟堂

焦慮之時。忠臣畢命之秋也。而諸君宴安江沱。奢靡傲誕。蹇諤之言不聞。征伐之功不立。將何以尊主濟民乎。劉翔謂何充等

臣聞幾者。動之微。吉凶之先見者也。如臣愚暗。實所不及。然為臣莫如忠。為子莫如孝。此以烈士臨危。不改見死不避。以狗君親。彼知幾者。必達安危。身入擇去就。不顧家國。臣雖知之。尚不忍為。况非所及。

大邪。梁琛答符堅

男子不能流芳百世。亦當遺臭萬年。桓温

衛公有言。酒食殺人。甚於作直。坐酒色死。人不為悔。而遂畏以直致禍。此由心不能正。欲以苟且為明哲耳。傅咸復揚濟書

允任天下之重者。當保國寧家。緝脩政事。乃以脩室屋為能耶。王彪之謂謝安

世荷晉恩。生為晉臣。死為晉鬼。復何問乎。周虓

彼甲在外。我甲在心。慕容農

王弼何晏之罪。深於桀紂。范甯

遺風餘俗。至今為患。桀紂縱暴一時。適足以喪身覆國。為後世戒。豈能回百姓之視聽哉。故吾以為一時之禍輕。歷代之患重。自喪之惡小。迷眾之罪大也。同上

天下自有強弱。苟為失道。雖強易弱。正患事主難得耳。劉毅

天下艸澤之中。非無英雄也。何無忌

奇才英器。不必莖夏。明智敏識。不必讀書。吾乃知九州之外。五經之表。復自有人也。韋宗嘆禿髮傳檀

自古帝王之興。未嘗取相於昔人。待將於將來。隨時任才。皆能致治。卿自識拔不明。安得遠誣四海乎。

秦主姚興

夏禹勤王。手足胼胝。文王旰食。日不暇給。今四郊多壘。宜思自效。而虛談廢務。浮文妨要。恐非當世所宜。王羲之謂謝安

國以不能救。為人臣者。死有餘罪。况敢逃其死。而戴其心乎。文天祥

天下事。有興有廢。自古帝王。以及將相。滅亡誅戮。何

代無之。天祥今日忠於宋氏。以至於此。願早求死。
文天祥

德祐。吾君也。不幸失國。當此之時。社稷為重。君為輕。
吾別立君。為宗廟社稷計也。從懷愍而北者非忠。
從元帝者為忠。從徽欽而北者非忠。從高宗者為
忠。

國家不幸喪亡。立吾君以存宗廟。存一日。則盡臣子
一日之責。人臣事君。如子事父母。父母有疾。雖甚
不可為。豈有不下藥之理。盡吾心為。不可為則天

命也。今日天祥至此。有死而已。何必多言乎。
我為綱常謀。有身不得顧。妻兮莫望夫。子兮莫望父。
天長與地久。此恨極千古。來生業緣在。骨肉當如
故。同上

孔曰成仁。孟曰取義。惟其義盡。所以仁至。讀聖賢書。
所學何事。而今而後。庶幾無愧。同上

某所以不死者。以九十三歲之母在耳。先妣以今年
二月考終。某自今無意人間事矣。亡國之大夫。不
可與圖存。李左車猶能言之。况稍知詩書。頗識義

理者乎。謝枋得遺程文海書

江南無人才。未有如今日之可耻。春秋以下之人物。本不足道。今欲求一人如瑕呂飴甥程嬰杵臼。廝養卒亦不可得。遺留夢炎書

程嬰公孫杵臼二人皆忠於趙。一存孤。一死節。一死於十五年之前。一死於十五年之後。萬世之下。皆不失為忠臣。王莽篡漢。二十四年。龔勝乃餓死。亦不失為忠臣。司馬子長云。死有重於泰山。輕於鴻毛。韓退之云。蓋棺事始定。參政魏天祐豈足以知

此。謝枋得

士之為學。若五味之在和。醯醢既和。則酸醎頗異。子來見我。已三日。而猶夫人也。豈吾之學。無以感發

於子耶。金履祥謂許謙

已或有知。使人亦知之。豈不快哉。許謙

使脫脫終日讀書。不若日記嘉言善行。服之終身也。

脫脫

天下事。宰相當言。宰相不得言。則臺諫言之。臺諫不敢言。經筵言之。備位經筵。得言人所不敢言於天

子之前。志願足矣。嚳々

腕可斷。議不可易。成導爭治河之議。時有此言。

吾膝如鐵。豈為賊屈。李齊叱張士誠

記曰。時過然後學。則勤苦而難成。獨學而無友。則孤

陋而寡聞。朱竹垞

夫天之生才。非必千里一賢。百里一士。綦布而星羅

之。蓋嘗聚於一境之內。同上

文章之為道。亦猶種竹然。務去其陳根。疏而壅之。其

生也。柯葉必異。同上

憲臺。百司儀表。居其職者。當先矜人廉耻。使避而不

犯。豈直恃搏擊哉。明章溢

古者不備官。惟賢能是用。朕以廷臣有才望勲德者。

兼東宮官。非無謂也。嘗慮廷臣與東宮官。有不相

能。遂成嫌隙。或生奸謀。離間骨肉。其禍非細。朕今

立法。令府省臺官兼東宮贊輔之職。父子一體。君

臣一心。庶幾無相構之患。明太祖

殺我活餘人。我更何恨。葉伯巨上書言空印吏

吾業既為國家言事。自分受禍。人誰為我謀乎。全上

更涉世故則智明。久歷患難則慮周。太祖

婦女母所愛。財寶母所取。忠志無疵。昭明日月。惟大

將軍一人而已。太祖稱徐達

賊奴縛吾。吾主必滅爾。斬為膾也。花雲

古人有殺身以成仁者。臣不敢愛其死。韓成

命也奈何。大丈夫死即死。恨不能從主上。掃清中原。

垂名竹帛耳。趙德勝

吾不知書。吾行兵。惟有三事。不殺人。不虜人婦女。不

焚人廬舍。胡太兼

國可滅。史不可滅。楊守陳

死即死。詔不可艸。方孝儒

天降亂離兮。孰知其由。奸臣得計兮。謀國用猶。忠臣

發憤兮。血淚交流。以此徇君兮。抑又何求。嗚呼哀

哉兮。庶不我尤。同上

君存與存。君亡與亡。吾姑忍俟之。梅殷

汝讀幾年書。還不識箇是字。方孝孺怒廖鏞廖銘

三受天王顧命新。山河帶礪此絲綸。千炷公論明於

日。照徹區區不貳心。陳迪

蘇維

變起宗親。略無經畫。敬死有餘罪。卓敬

兩間正氣歸泉壤。一点丹心在帝鄉。胡子昭臨刑詩

前日之戰。各為其主。事至於此。死生惟命。元將康茂才

非得已也。生則盡力。死則死爾。元將朱亮祖

高築墻。廣積糧。緩稱王。朱外

方今元祚垂盡。四海鼎沸。豪傑之士。勢不獨安。夫有

勇略者。可以馭雄才。有奇識者。然後知奇士。閣下

欲掃除僭亂。非收攬豪傑。難以成功。許瑗

陸機此日能為賦。賈誼何時復著書。或贈茅大芳

幽燕消息近如何。聞道將軍志不磨。縱有火龍翻地

軸。莫教欽騎過天河。關中事業蕭丞相。塞上功勳

馬伏波。老我不才無補報。西風一度一悲歌。大芳贈謀

殷

志篤材敏。議論磊落。可嘉。忠義人也。王紳稱鄒瑾

忠臣不以得失為憂。故其言無不直。烈女不以死生

為慮。故其行無不果。周是脩

千秋史官筆。慎勿稱希賢。王叔英絕命詞

生既久矣。未有補于當時。死亦徒然。庶無慚于後世。

無有誤

通鑑

卅四

同上

食其祿。思任其事。當國家有事時。官近侍。獨無一言可乎。成祖

凡人有才固難。能用其才者尤難。子房之於漢高。能用其才者也。賈誼之於漢文。不能用其才者也。王叔

英

予生廬陵忠節之鄉。素負立朝骨鯁之勝。讀書而登進士第。仕宦而至繡衣郎。既一死之得宜。可以含笑於地下。而不愧吾文天祥。曾鳳韶

公可去善不可去。公朝臣四往號召。圖興復善職守土。義當與城存亡。姚善答黃子澄

富貴不淫。患難奚恤。神明其心。始終一德。潤玉贊王

太守諸公鑒此情。只因國難未能平。丹心不改人臣

節。青史誰書縣令名。一木豈能支大廈。三軍空擬

築長城。吾徒雖死終無憾。望采民艱達聖明。顏伯

古語云。謀人之軍師。敗則死之。謀人之國邦。危則亡

之。若伯瑋寄百里之命。素志已定。視死如歸。賢于

人遠矣。晏璧

國邦忠類

筍輿衝雨過。疾城撫景令人感慨生。黃鳥向人空百轉。清猿墮淚只三聲。山中自可全高節。天下難厝是盛名。却憶令威千歲後。重歸華表不勝情。魏澤過方

孝孺故居詩

吾雖一介賤卒。義不為叛逆之臣。燕山衛卒

一箇忠臣九族殃。全身遠害亦天常。夷齊死後君臣薄。力為君王固首陽。建文遺臣詩

我願為忠臣也。高翔

我願為智士也。程濟

可讓處。環不敢不讓。不可讓處。環不敢讓。劉環對燕

郡。我。義。不。污。賊。劉子輔

漢高祖十戰九敗。終有四海。今舉事連捷。小挫折輒歸。更能北面事人耶。諸將皆大不忠。當斬。朱能

君以軍旅發身。我本書生。食祿有年。於義不可。高賢寧拒

紀綱

翊仕無害於義。恐負往日城門一慟耳。龔翊謝周忱
他日立玉階。方寸地。必能為董子之正言。而不效公孫弘之私曲。胡儼批楊溥

卦中六爻人人有用。聖賢有聖賢用。衆人有衆人用。君有君用。臣有臣用。無所不通。揚士奇引程子

宏才之建。必由匠石之功。圭瓚之成。必假琢磨之力。

成祖

記曰。先祖有美而不知。不明。知而不傳。不仁。仁宗

或乃以浚恒之凶。不密之失。為公累。是徒以成敗利

鈍論。非所以防世厲俗也。李東陽贊岳正

初上用我。責任教戒。甚至。故我不敢不盡心。若子以

諫宦處我。則恐未然。岳正

岳正倒好。只是大膽。唯帝念哉。必當有感。如或赦汝。

再敢不敢。臣嘗聞古人之言。蓋將之死而靡憾也。

正題寫肖之上

天下之事。未嘗無弊。願奉行何如耳。李賢

何用今日哭為。使當日出。一語。則與我輩同去矣。劉健

勵聲。謂李西岸

臣有罪。今日就死。他日陛下猶憫臣。若遂草勅。他日

陛下覺而怒曰。儲無禮。以臣名君。臣罪不可赦。梁儲

老去寸心猶不死。仗誰經略了餘忠。楊一清

無事常如有事時隄防。有事常如無事時鎮清。同

無競之地。可以遠忌。無恩之身。可以遠謗。徐階

經世者。不礙出世之体。出世者。不忘經世之用。趙貞吉

君為宋朝佐命。身是晉室遺老。悲歡之事。固不可同。

徐廣謂謝晦

酖君以求生。不如死。張偉

吾得啓体幸全。亦何所恨。弟思自勉。勵為國為家。謝瞻

謂弟晦

觀徐美傳亮言論。不復以學問為長。鄭鮮之

如上脫不字

我不能為徐子才署紙尾。蔡廡○干才。羨之小字。

微子異不傷物。同不害正。吾無間然。謝混重謝弘微

韓亡子房奮。秦帝魯連耻。謝靈運

盤于遊畋。古人所戒。今陽和布氣。一日不耕。民失其

時。柰何以從禽之樂。而驅斥老農也。老父荅義季

大王衡陽王不奪農時。則境內之民皆飽大王之食。

老夫何敢獨受大王之賜乎。同

陰陽災異。知之甚難。既已知之。復懼漏洩。不如不知

也。天下妙理至多。何遽問此。高允

陛下徒知惡枝之宜伐。豈知伐枝之傷樹乎。扶令育。陛下宋

文帝。

吾聞築社之役。蹇而築之。端冕而事之。神降之福。然

則卿有何罪。其冠履就取。苟有可以利社。便百

姓者。竭力為之。勿顧慮也。魏主燾謂古弼

汝曹少長豐佚。不見百姓艱難。今使汝曹識有饑苦。

知以節儉御物耳。宋文帝謂諸子

雖無誓生琴。庶同夏候色。范曄

願乘長風。破萬里浪。宗慤

直哉。此人情所難。而允能為之。臨死不易辭。信也。為

臣不欺君。貞也。宜特除其罪。以旌之。魏主謂太子

我不奉東宮指導者。恐負翟黑子故也。高允

治國如治家。耕當問奴。織當問婢。陛下今欲伐國。而

與白面書生輩謀之。事何由濟。沈慶之

衆人雖知古今。不如下官耳學也。同上

君子殺身成仁。雖死不可言。鄭嚴戒其子

宮內有變。凡在臣子。當投袂赴難。馮城自守。非臣節

國家此禍。開闢未聞。今以江東隨王驍銳。唱大義於天下。誰不響應。豈可使殿下北面凶逆。受其偽寵

乎。沈正說 顧琛

須四方有義舉者。然後應之。不為晚也。琛 弒逆寃

醜。義不同天。舉兵之日。豈求必全耶。馮衍有言曰。

大漢之貴臣。將不如荆齊之賤士乎。况殿下義並

臣子。事實國家者哉。正

實下忠脫

宗慤年將六十。為國竭命。正得一州如斗大。不能復

與典籤共臨之。豫州刺史宗慤。典籤吳喜

吾平生不喜見要人。今不幸見汝。顏延之 汝出糞土

之中。外雲霞之上。遽驕佚如此。其能久矣。同

前史稱卓子康。劉文饒之為人。褊心者。或不之信。余

與高子。遊處四十年。未嘗見其喜愠之色。乃知古

人為不誣耳。高子內文明而外柔順。其言訥訥。不

能出口。昔崔司徒嘗謂高才博學。一代所推。所之

者。矯矯風節耳。予亦以為然。及司徒得罪。詔指臨

責。聲嘶股栗。殆不能言。高允獨敷陳事理。辭義清

辨。人主為之動容。此非所謂矯矯者乎。宗愛用事。

指臨恐顛

威振四衆。王公趨庭望拜。高子獨升階長揖。此非
所謂風節者乎。夫人固未易知。吾既失之於心。崔
又漏之於外。此乃管仲所以致慟哭於鮑叔也。游雅

評高允

辛毘有言。孫資劉放不過使吾不為三公耳。覬之常
以為人稟命有定分。非智力所移。唯應恭己守道。
而闇者不達。忌意僥倖。從虧雅道。無關得喪。顧覬
就與劉孫不平。不過令吾不作三公耳。大丈夫欲為
公。而毀其高節邪。辛毘

人所忘有盡有。人所忘無盡無。盡無者。其惟江智淵

子。沈懷文

古人言。一心可事百君。我為政端平。待物以禮。悔悟
之事。無由而及。明闇短長。更此才用之多少耳。張岱

吾寧為王陵死。不為賈充生。沈攸之

足下已有賊宋之心。吾寧敢捐包胥之節。攸之遺蕭道成書

本知一木不能止大廈之崩。但以名義至此。袁粲謂子鼠

我不失忠臣。汝不失孝子。同上

可憐石頭城。寧為袁粲死。不作褚淵生。百姓謠

不能殺袁劉。安得免寒士。劉祥。袁粲。劉乘。

應天以實。不以文。我克已求治。思隆惠政。灾若在我。

木襮之奚益。齊武帝。

人生如樹花。同發隨風而散。或拂簾幌。墜茵席之上。

或關籬藩。落糞溷之中。墜茵席者。殿下此也。竟陵王子

良落糞溷者。下官此也。貴賤雖殊。因果何在。范縝

形者神之質。神者形之用也。神之於形。猶利之於刀。

未聞刀沒而利存。豈容形亡而神在哉。續神滅論

作牧亦易。亦難。其身正。不令而行。所以易。其身不正。

雖令不從。所以難。魏孝文戒高陽王雍。

國家從來有一事可歎。臣下莫肯公言得失。此也。夫

人君患不能納諫。人臣患不能盡忠。自今朕舉一

人。如有不可。卿等直言其失。若有才能。而朕所不

識。卿等亦當舉之。得人有賞。不言有罪。孝文

非常之人。曠世乃有一二。同

囚。雖愚幼。豈不知死之可憚。顧不忍見父極刑。故求

代。此非細故。奈何受人教耶。吉拈。谷廷尉。卿察法度。

異哉。王尹。何量拊之。法乎。父辱子死。固當然。若翊當

此舉乃是因父取名。何辱如之。丹阳尹王志欲充純孝。謝同拒之。

為將當有怯敗。不可專勇。帝齊

漢光武魏武帝。雖在戎馬之間。未嘗廢書。先帝遷都

非行師。手不釋卷。良以學問多益。不可暫輟故也。

淮南萬里。繫于吾身。一旦動足。百姓瓦解。吾豈以愛

儁上疏魏主。曰：身而取愧於至尊哉。揚州刺史李崇

天下事。當與天下論之。奈何以河陰之酷。恐元譔乎。

譔國之宗室。位居常伯。使今日碎首流腸。亦無所

懼。元譔答爾朱榮

亂者必斬。高洋

夷甫任散誕。平叔坐論空。豈悟昭陽殿。遂作單于宮。

陶弘景

君何言之不忠也。我與國家同安共危。以此獲罪。亦

無所恨。高季式

羨先。蔡祐口不言勲。我當代其論序。宇文泰

昔西晉祖尚玄虛。故中原淪於胡羯。今東宮復爾。江

南亦將為戎乎。梁太子詹事何敬容

諸將對敵。神色皆動。唯賀拔公勝臨陳如平時。真大
勇也。宇文泰

畜狗求吠。今以數吠殺之。恐將來無復吠狗。揚情

仗節死義之士。臨患難。而能外死生。則其在平世。必

能輕爵祿。臨患難。而能盡忠節。則其在平世。必能

不詭隨。朱夫子

攻者自勞。守者常逸。孝寬關西男子。必不為降將軍

也。

慶聞。若蔽於事為不明。臣知而不爭。為不忠。慶既竭

忠。不敢愛死。但懼公為不明耳。宇文泰殺王茂。柳慶諱之。曰有此言。

吾常跨鞍對陣。矢刃交下。而意氣安緩。了無怖心。景候

袁氏世濟。忠貞不意。君正。一日隨之。吾豈不知此難

久全。但以身許國。有死無貳耳。張嶷

吾忝任專城。朝廷傾危。不能匡復。速死為幸。同

吾一門已在鬼錄。不就爾虜求恩。同

京都覆沒。君辱臣死。君侯廣州刺史。體則皇枝。任重

方岳。不能赴援。遣僕一軍。猶賢乎已。而更止之乎。

陳伯先答
蕭勃

安有棄其本宗。而從人之姓者乎。丈夫寧可玉碎。何能瓦全。元景皓謂從弟景安

我少年以來。閱要人多矣。得志少時。鮮不顛覆。且吾

性實疎緩。不堪時務。人主息私。何由可保。萬一披

猖。求退無地。非不好作要官。但思之爛熟耳。王晞

吾志平江南。今而不果。汝必成吾志。吾以舌死。汝不

可不思。賀若敦臨死誠其子弼

管幼安袁曜卿。亦但安坐耳。君子直已以行義。何憂

惧乎。蕭引

但恐富貴來逼。臣無心圖富貴也。楊素

吾專心國家。遂不存私計。王軌

死生有命。寧復圖存。但老母在堂。恐留茲恨耳。周齊王憲

臧洪同死。人猶願之。況比干乎。若樂運不免。吾將與

之同斃。周內史中大夫元鼎

陛下不以臣不肖。置臣左右。臣言若是。陛下安得不

聽。若非。當置之於理。豈得輕臣而不顧也。劉行本謂隨文

臣心如面。面可改。則心可改。傅縡○縡獄中上書。陳遣使謂曰。我欲赦卿。

卿能改過不

主辱臣死。主君獨非陳國之臣乎。今天下有難。實致命之秋也。縱其無成。猶見臣節。陳湘州刺史陳叔慎長史謝基。

公有三太猛。嫉妬心太猛。自是非人心太猛。無上心太猛。隋文數賀若弼

二心字一
堪行

自古帝王。未有好奢侈而能久長者。法當以儉約為先。乃能奉承宗廟。吾昔日衣服各留一物。時復觀之。以自驚戒。今賜汝舊所帶刀一枚。并菹醬一合。汝昔作上士時。嘗所食也。若存記前事。必知我心。

隋文戒太子勇

丈夫不死。當立大功。豈可但為亡虜耶。竇建德

通有先人之弊廬。足以庇風雨。薄田足以具饘粥。讀書談道。足以自樂。願明公正身。以治天下。使時和年豐。通也受賜多矣。不願仕也。王通

賈瓊問息謗。通曰。無辨。問止怨。曰。不爭。全貴賤苦樂。更迭為之。亦復何傷。隋煬帝

天下名義。非婦人所知。堯君素

丈夫意氣相期。勿以小嫌介意。吾終不信讒言。以害忠良。世民謂尉遲敬德

於臣則狂於陛下甚忠。蘇世長

吾奉使無狀為賊所擒為臣不忠誓之以死汝善侍

老母勿以吾為念。盛茂師為劉黑闥執作書與弟

大丈夫受國厚恩鎮撫方面不能保全所守亦何面

目視息世間哉。李玄通

君子用人如器各取所長古之致治者豈借才於異

代乎。正患已不能知安可誣一世之人。太宗謂封

劉四翼子雖復罵人人終不恨。李百藥

齊文宣狂暴然人與之爭事理屈則從之。魏徵

苟自不能受諫安能諫人。太宗

疾風知勁草板蕩識誠臣。全賜蕭瑀詩

卿之忠直古人不過然善惡太明亦有時而失。全謂瑀

瑀違眾孤立唯陛下知其忠勁向不遇聖明求免難

矣。魏徵

三代及漢歷年多者良以恩結人心人不能忘故也。

馬周

夫雖君子不能無小過苟不害於正道斯可略矣。魏

人有所短乃見所長。劉玄平○再出

孔融中夜不寢。翻覆生計。無補於世。有愧百年身後之名。取羞於子孫。杜律集解

隋煬帝勞百姓。築長城。以備突厥。卒無所益。朕唯置

三世勦於晉陽。而邊塵不驚。其為長城。豈不壯哉。太宗

多記則損心。多語則損氣。劉洎

厚遇夷狄。則於中國將薄矣。推誠獸心。則於可信將

疑矣。胡致堂論

雪耻讐百王。除兇報千古。太宗

夫取法於上。僅得其中。取法中。不免為下。全

下法字下
恐脫於字

此何時。而太上皇英宗帝何所。而我曹稱賀邪。明揚善

君臣之禮。雖草野。寧敢廢哉。全

白袍點墨。終不可湔。鄭宰荅山雲

當世固多良將。患在牽掣齷齪。不能展。沈希儀

節制精明。公俞大猷也不如綸。信賞必罰。公不如戚。

精悍馳騁。公不如劉。然此謂小知。誠如霍子孟。任

如諸葛亮。大如郭子儀。忠如文文山。毅如于肅愨。

可以托孤寄命。則公之大受然也。公精誠當不以

老衰為時變哉。譚綸

大丈夫經營天下。如武侯然。何能頽首作求田問舍計乎。萬表

古夷狄侵中國。未有中國人不為之用而能突入者。

萬表

吾世受國恩。今憂及君父。豈臣子安卧時乎。全

偉哉國士。名與骨俱香。吾誠得與同遊九原。無憾矣。

爾曹顧病之邪。

威景通。嘗六月過戰場。僵屍枕籍。衆皆掩鼻不欲近。景通云云。

京師天下本。宗廟社稷山陵寧。此百官萬姓祭藏庾廩萃此。此而不守。去欲安之。今日足一動。明日大

古事去矣。且虜乘勝驕。實不足畏也。于謙

四郊多壘。卿大夫耻之。今謙不能死。而以徼功賞。能

無愧哉。全

處天下事。以理不以勢。定天下事。在近不在遠。劉大

賤者即之。不知其為貴。卑者即之。不知其為尊。愚不

肖者即之。不知其為賢。且智。獨非意相干者即之。

始知其凜然不可犯也。陳伯獻稱林瀚

惟誠與直。能濟國事。趨名者。亦趨利。於社稷生民無

益也。鴻儒

馬昊長用兵。輕用其長。故敗。臣短用兵。重用其短。必勝。胡世寧

諸君從有司試。當簪花燕饌。今日為臣子枕戈之秋。

老夫不敢陷諸君於不義。

明孫鼎。英宗北狩時。謂諸生。

萬里丹心扶日月。兩人清淚對山河。鼎道遇金濂

君子有三惜。此生不學。一可惜。此日閑過。二可惜。此

身一敗。三可惜。夏寅

我且自疑人。誰信我。張悅

古之聖賢。凡所猷為。至公無私。故其事業光明俊偉。

今之人。去古遠矣。竭其公忠。猶恐不至。况復濟以

私乎。同

客至留饌。儉約適情。肴隨有而設。酒隨量而傾。雖新

親不搗飲。雖大賓不宰牲。匪直可久。亦以安生。益

提學非都御史比。但宗主斯文。為世表率。雖死不可

屈節。陳選

死即死耳。安敢以私憾滅公義。陷正人也。張聚

行誼足以師人。文章足以華國。問學足以明道。才諳

足以濟務。隱約足以徼時。鄭曉

宮怨官誤

宋王素為諫官。言人材難得。無事之時。當為朝廷愛惜。程明道為御史。告君曰。使臣拾遺過則可。若搜

索臣下短長。以沽直名。臣不能也。何孟春稱熊繡

言無爽於屬垣。行弗虧於顧影。王琦

吾求無愧於心身。雖饑寒無不樂也。喜怒不形於色。恩怨不繫於心。務伐不出諸口。驕泰

不措於身。碩膚不自見。小疵不自掩。以闇然自命。

可謂稱情矣。姜麟贊章懋

命好德不好。王侯同腐草。德好命不好。顏淵任窮夭。

蔡清

善愛其身者。能以一生為萬載之業。或一日而遺數

一。百年之休。不知自愛者。以其聰明際盛時。操名器

徒就一己之私而已。全

寬非縱肆。乃日刮月磨。而不責效於旦暮間云耳。呂

講其學而行非。勿信可也。不講其學而行是。信之可

也。全

所倚而樂者。樂以人也。喪其所倚則不樂。無所倚而

樂者。樂以天也。舒慘失得。欣戚榮悴。無之而不可。

玉璧

梁公狄仁傑以人事君。則所舉東之亦必以人事君者

也。武后先沒。成事固在東之。即不然。東之雖去。而

東之所舉亦自有在。夫復何憂。羅汝芳謂徐階

民可百年無貨。一朝有飢。劉陶○康濟錄。下同。

上有便宜之令。下無專擅之臣。

一腔慈惠之心。不得不激為直激之語矣。陸曾禹

有位者無心。有心者無位。在上可行者。務暇逸而從

苟且。在下樂行者。或牽束而不得專。張方平

人生天地間。既不能致君。況民。再不能立說濟世。食

粟而已。而不亦大有愧於寸陰是惜之論哉。曾禹

九重天子愛民深。令尹宜懷惻隱心。今日黃堂一杯

酒。使君端為庶民斟。王梅溪守泉州。會邑宰勉以

知過非難。改過為難。言善非難。行善為難。陸贄

予惟不食嗟來之食。以至於斯也。齊餓者

其嗟也可去。其謝也可食。曾子

大膽做去。細心處事。汲汲於民。罔知其他。曾禹

真心愛民。自有善法。全

上事下恐
脫而憂二
字

憂先於事。故能無憂。事至而憂。無救於事。李絳

遍觀四象人。誰為不死容。古語

一家哭。何如一路哭。范仲淹

百姓未周。豈容獨享溫飽。孔奐。康濟錄訖

石田茅屋。為生太拙。鳴夷馬革。自許何愚。黃鞏

人生仕至公卿。大都三四十。惟立身行道。斯千歲

不朽。世之人。顧以此易彼何邪。全上

士當爵祿不入于心。溝壑不忘于念。舒芬

椒山自有膽。豈必蚺蛇哉。楊繼盛。荅校尉苗生

嗟夫忽然而死。忽然而生。如睡已又醒。人死生固甚

易也。楊繼盛

吾嚮者豈亦有言責耶。若視吾眼在否。而欲盲我夫

殺人而欺其君。以要賞。吾不誓與共天。沈鍊

古人言以見志。故其性情。某狀貌。求而可得焉。此孔

子所以于師。襄得文王也。故昔人陶則陶。杜則杜

韓則韓。柳則柳。咸自成家。今或不能自立。傍人門

戶。效嘖而學步。志意性情。略無見焉。無乃類諸譯

人也邪。君子不鳳鳴而鸚鵡言陋矣哉。康海

吾下脫不
字
某恐其誤

資性不足恃。日新德業。當心力中來。楊慎

民不可有此色。士不可無此味。徐九經

寅按。明徐九經為句容令。治行為天下第一。歷
九載遷官。將治行。而民強留之。彌月不得發。爭
延請過舍。治觴炙。兒稚挽衣而泣曰。公母去我
度不可留。其長者曰。公幸惠訓我。使我奉之如
奉公。九經亦揮淚曰。母以訓而曹。唯儉與勤及
忍耳。儉則不費。勤則不隳。忍則不爭。保身與家
之道也。九經生平不嗜肉食。唯噉菜佐脫粟。嘗

圖一菜於堂曰。古不云乎。民不可有此色。士不
可無此味。至此。父老刻公所画菜。而書勤儉忍
於上。曰徐公三字經也。其後九經致仕。卧貴溪
山中。二十有二年。至年八十五卒。予謂画菜二
句。深得先憂後樂之意。鴻鵠志。偶然訖此。恰好
結局。故略載九經事。九經李氏續藏書郡縣名
臣有傳

安政己未四月念八日 二十一回生誌

安永己未四月念八日 二十一回至終

百有餘

...

...

...

...

...

鴻鵠志 終

...

官許

不許翻刻

明治二己巳年初春新鐫

大坂心齋橋唐物町

河内屋吉兵衛

京都三條通寺町西

製本所

吉野屋甚

助



松蔭吉田先生輯

鴻鵠志

長門

松下邨塾藏版



學書

淡江大學圖書館
藏書